



**Sel Prestuhn**  
**Dieter F. Uchtdorf**  
Mwet in Kahsrh Ahk Luo ke  
Prestuhnsi Se Met

# Muhtweng Kuhtuh Srihsrihk Wihn

*Sie mwe luti na fokoko ke pacl luhn acn Kirtland ah pa nguhsar enenuh mwe ahkkweye pacl nuh kwewa. Kuht enenuh in muhta fototo nuh yurin Leum lwen nuh kwewa in kuhtanglah ma upac ma kuht nohfohn enenuh in sun uh.*

**S**ummer tari ah nga ac muhtwacn kiyuck uh us tuhlihk mukul fak se nuhtin nahtuhsr ah nuh Kirtland, Ohio. Pacl na wowo ac sacohk se nuh sesr in eis pacl ingacn in weluhlos met liki elos som nuh ke misin lalos an.

Ke puhlan muhtwacta lasr we ah, kuht lotwelah in kahlwem yohk ke ohiyacn mouh lal Mwet Pahluh Joseph Smith ac Mwet Luhlahlfongi ma muhta fin acn Kirtland ah. Puhlan pacl sac ke sramsram mahtuh luhn Alu uh etweyuck muh oacna sie pacl upac luhlahp tuhsruh k oacyacpac pacl in insewowo yohk.

Fin acn Kirtland Leum el sang kuhtuh ma sikyak usrnguck na upac ac mwe sang luhn nguhsn ma facluh se inge tuhfauna in puhlakihn. Section onngoul limekohsr ke Doctrine ac Covenants eisyuck fin acn Kirtland ac acn ma raunwelah acn we— fwackyuck ma sang kahlwem ac etwacack sasuc ke sifac ma oacna Tuhkuh Ahk Luo, karuhnguhsnwacng mwet kwacoh, plwacn in molwelah, kuh luhn pristut, Kahs in Lahlmwetmwet, sie tahfuh singucul, tempuhl, ac masap ke ahkmuhtahlye.<sup>1</sup>

Sie pacl in kapkapwack yohk luhn nguhsn. Ahok, Nguhsn luhn God el oacna sie e suc fihrihr. Moses, Elijah, ac mwet puhkantwen sahyac inkuhsrao sikyak ke pacl se inge, weluhlwacng Pahpah tuhsmasr Inkuhsrao ac Wen

Nahtuhl, Mwet Lahngo luhn facluh, Jisus Kraist.<sup>2</sup>

Sie sin fwackyuck puhkantwen ma Joseph el eis fin acn Kirtland pa sie fwackyuck ma el pahngon “sra olive. . . kuhnwesyucklac liki Sahk luhn Pacractais, ac pweng luhn Leum ke mihs nuh sesr” (ikucslah nuh ke D&C 88). Fwackyuck na wowo se inge weacng solsol ahluhkwelah wo se. Leum el fahk nuh sel lah kuht enenuh in fototo nuh Yohrohl ac El fah fototo nuh yohrohsr. Kuht enenuh in so-kuhl ke oaru ac kuht fah konwacwack (liye D&C 88:63). Ke Mwet Luhlahlfongi fin acn Kirtland ah fototoyang nuh yurin Leum, ma na pwacye se lah El fototo nuh yohrohlos, sang mwe insewowo inkuhsrao nuh faclos suc oaru.

## **Nwacwacalah ke Ma luhn Nguhsn**

Sahp fokokoien mwe ahkkahlwemye ke ma luhn nguhsn inge sikyak ke puhlan pacl se ke kihscac luhn Tempuhl Kirtland ah ke Mahs 27, 1836. Sie sin mwet wi ingacn pa William Draper, yac-28-matwac, suc ahkuhtweyacyac lwen se inge oacna sie “lwen in Pentecost.” El suhmuhslah: “Oasr na pacl se ma nwacwacalah ke Nguhsn luhn Leum uh, oruh tuh pin nuhtihk uh tiac fal in suhmuhslah in fohnlah kuh lohuk in kuh in sruh-muhn. Tuhsruh nga ac fahk ingena lah Nguhsn uh

ukwiyucklac ac tuhkuh oacna sie eng na fokoko se ac nwicklah lohmu uh, oruh mwet puhs ma oasr loac an sramsram ke lohoh ac liye ararama ac liye lipufacn ac fahkwack, ac oasr pacl yohk se in kaksak tuh kain in kaksak se inge soenna etweyuck ke fihl se inge uh.”<sup>3</sup>

Mwe ahkkahlwemye ke nguhn inge tiacna srihke-yucki muhkwenah nuh selos suc oasr lun tempuhl, tuh “mwet ke acn atuhlani uh tuhkweni kahsruhr tuhkuh (lohng sie puhsra na usrnguck loac, ac liye kahlwem na sahromrom se oacna sie sru in e fin tempuhl uh), ac elos lut ke ma ma orek inge.”<sup>4</sup>

Lorenzo Snow (1814–1901), tok ac Prestuhn lac luhn Alu uh, muhta fin acn Kirtland ke puhlan pacl in insewowo se inge. El intei, “Sie mwet el kuh in nuhkuh lah tukun el eis mwe ahkkahlwemye na wowo inge wacngihn mwe sruhf kuh in ahkmuhnahsyelah Mwet Luhlahlfongi ah.”<sup>5</sup>

Tuhsruhk, pwacye na lah, ma puhlakihnyuck yohk ke nguhn uh tiac kuh in tuhlwekuhtlac liki mwe lain ac ma upac uh. Mahlwem ekahsr na tukun kihsac lah luhn tempuhl sac, sie ma sensen ke kasrpen acn sac fahsrwelihk we ac osrokwick acn United States, ac acn Kirtland puhlakihn usrwac ah arulacna upac. Bank uh muhnahsrah, oruh mwet puhs in sun ma upac ke ip luhn mani an. In oruh ma ingacn in upac lah, puhs sin Mwet Luhlahlfongi ma tuhkuh nuh Kirtland uh us tuhkuh ma suhpuhs lalos, tiac etuh lah meac elos enenuh in oruh ke pacl se elos ac sun acn we kuh elos ac pain moullac fuhkah.

Kuhtuhyang, kalyei uh sikyak ac un mwet lokoalok oreklac lain Mwet Luhlahlfongi uh. Mwet ke Alu uh—finne kuhtuh selos suc arulacna fototo nuh sin Mwet Pahluh uh, inkaiyaclos wi kihsac ke tempuhl ah—forlah ac laenuhl Joseph oacna sie mwet pahluh puhtatlac.

Ke nga fahsr sisken Tempuhl Kirtland ah wi muhtwacn kiyuck ac tuhlihkuhtin nahtuhsr ah, nga motko ke ma upac ingacn lah kuhtuh koflah in oaru muhtweng finne tukun mwe ahkkahlwemye ke ma luhn nguhn ma elos liye kuh puhlakihn ah. Fuhkah luhpan ahsoriyac ke elos tiac kuh in kuhtanglah ma koluk ac suhfanyuck luhn mwet suhlahlfongi ah. Fuhkah ahsoriyac lah, ke elos sun ma upac ke ip luhn mani kuh kuhtuh pac ma upac sahyac, elos tiac kuh in sifacna ngwetwacng nuh insiaclos ac sokwick kuh in muhtweng in oaru. Fuhkah kolukiyac ke elos tilac kuh in liye ma usrnguck ke ma luhn nguhn ma ituckyang ke kihsac ke tempuhl sac.

## Mwe Luti an

Meac kuht kuh in lotwelah ke puhlan pacl na wowo se ke sramsram mahtuh luhn Alu uh inge?

Sie sin mwe luti na yohk, ac fokoko ke pacl luhn acn Kirtland ah pa nguhsrah enenuh mwe ahkkweye ke pacl nuhkweya. Oacna ke Prestuhn Harold B. Lee (1899–1973) el luti: “Fahkwack luhlahlfongi uh tiac ma se ma oasr yurum mihsenge ac kom sruokyacna ne tok. Fahkwack luhlahlfongi uh kwewana kuh in kap ac kapwick nuh ke kahlwem na pwacye, kuh kuh in srihkeni nwe ke na wacngihnlac, wiwina ma kuht oruh kac uh. Nga fahk muh, fahkwack luhlahlfongi ma kuht sulpac eis ke lwen nuh ke lwen uh pa ma se ma molikuhtlac liki mwe sruhf luhn mwet lokoalok uh.”<sup>6</sup> Kuht enenuh in fototo nuh yurin Leum lwen nuh kwewa fin kuht ac kuhtanglah ma koluk ma kuht nohfohn enenuh in sun uh.

Ke kuthuh ohiyac uh facluh lasr mihsenge uh oacpacna acn Kirtland ke yac 1830 ah. Kuht muhta pac ke pacl ma upac luhn mani uh. Oasr selos suc ahkkolukye ac la in Alu uh ac mwet kac uh. Kais sie mwet ac ma upac ma sikyak ingacn kuhtuh pacl uh kuh in upac na pwacye.

Pa ingacn pacl se ma kuht enenuh, liki na met ah, in fototo nuh yurin Leum. Ke kuht oruh uh, kuht ac etwacrah lah meac kalmac in eis Leum in fototo nuh yohrohsr. Ke kuht oaru in Sokuhl yohk uh, pwacye na lah kuht ac Konwacwack. Kuht ac fah liye kahlwem lah Leum el tiacna sislah Alu Lal kuh Mwet Luhlahlfongi fokoko Lal uh. Muhtahsr ac ikacklah (etwacack lasr ac kahlwemi), ac kuht fah Liyac in ikucslah winto inkuhsrao ac use nuh sesr yohkiyen kahlwem Lal. Kuht ac fah sokwick kuh luhn nguhn in kuhtanglah ke puhlan pacl ma ma koluk uh upac na pwacye uh.

Finne kuhtuh sin Mwet Luhlahlfongi fin acn Kirtland ah tilac puhlakihn ma luhn nguhn ma elos eis ah, inkaiyac ah tiacna. Inkaiyac ah, weluhlwacng William Draper, sruokyac na kuh etwacack ke ma luhn nguhn ma God el sang nuh selos ah ac kalweni in ukwe Mwet Pahluh. Ke pacl ingacn elos puhlakihn ma upac koluk tuhsruhkuht kapwick ke ma luhn nguhn wowo pac nwe ke na, sahflahiyc ah, elos suc kampare nwe ke sahflah pa eisyuck nuh ke. . . sie ohiyacn engan ma wacngihn sahflahiyc (Mosiah 2:41).

## Kom Kuh In Muhtweng Wiinn

Fin srihfeyuck kom in muhnahsrah kuh in tilac luhlahlfongi, esam Mwet Luhlahlfongi oaru ma muhtana in pwacye fin acn Kirtland ah. Muhtweng kuhtuh srihsrihk

wihn. Kom kuh in oruh ma inge! Kom ip ke sie fihl yohk srihpac. Kom ahkoeyucklac ac sefiyucki in moul ke pacl na yohk srihpac se inge ke oasr luhn facl kahto se inge. Oasr lom sie tahk sucu ke celestial ac ohinge oasr nohfohn talan ma fal in orwacлах moul lom an in sie pohloh sramsram wowo ma wacngihn sahflahiyac.

Leum el ahkinsewowoye kom ke sie fahkwack luhlahlfongi ke ma pwacye. Kom puhlakihn orekma Lal ac liye kuh Lal. Ac kom fin kalweni in Sokuhl, El fah kalweni in usot nuh sum ohiyac muhtahl uh. Ke ma inge ac kuhtuh pac mwe sang ke nguhn uh, kom fah kuh in ekuhllah moul lom sifacna an in wolac tuhsruhkoacyacpac in ahkinsewowoye lohm sum an, ward kuh pracns an, mura an, cities an, stet an, ac facl ke woiyom.

Kuh in upac in liye ma ingacn kuhtuh pacl uh, tuh-sruhku muhtweng kuhtuh srihsrihk wihn, tuh “muhta tiac liye, kuh insroac tiac lohng, ac suc tiac ilyak nuh insiacn mwet, ma God El ahkolah nuh selos suc luhngse El” ac Sanwel (1 Mwet Korint 2:9; liye pac D&C 76:10; 133:45).

Nga fahkwack mwe loh ke ma pwacye ke fohlohkihyuckyak ke wosasuc luhn Jisus Kraist ac ke ma pwacye inge, Alu Lal. Nga fahkwack ke insiuck ac nguhihki nohfohn lah God El moul, lah Jisus pa Wen Nahtuhl ac tu ke sifen Alu wolacna se inge. Sifilpac oasr mwet pahluh se fin facluh, finne Prestuhn Thomas S. Monson.

Lwelah kuht in esam mwe luti se fin acn Kirtland ah ac muhtweng kuhtuh srihsrihk wihn—finne ma uh oacna in wacngihn finsrak kac. Etuh ac esamyac ma se inge: Leum El luhngse kom. El esam kom. Ac El fah ahkkweye elos suc kampare ke luhlahlfongi nwe ke sahflah (liye D&C 20:25).

#### MWE KAHSRUH

1. Liye, nuh ke mwe srihkasrak, section ahk 45; 56; 84; 97; ac 104.
2. See D&C 76:23; 110:2–4, 11–13.
3. William Draper, “A Biographical Sketch of the Life and Travels and Birth and Parentage of William Draper” (1881), typescript, Church History Library, 2; spacliyac ac kacpituhliyac an fihliyucki.
4. *Sramsram Mahtuh luhn Alu uh*, 2:428.
5. Lorenzo Snow, “Discourse,” *Deseret Weekly News*, June 8, 1889, 26.
6. *Teachings of Presidents of the Church: Harold B. Lee* (2000), 43.

#### NUHNAK IN LUTI KE PWENG SE INGE

**T**ukun pruhe in lutlut ke pweng se inge uh, nuhnkuh enenuh lalos suc kom luti an, ac sulacлах srihpac kuh pohloh kahs ke pweng an ma kom puhla muh ac orekma yohk nuh selos an. Nguhn Muhtahl uh kuh in kahsrwe kom ahkolah ac luti pweng an (liye D&C 42:14; 43:15–16).

In weacng pacna akacsruhi ke fahkwack luhlahlfongi lom an, kom kuh in puhla wo in siyuck sin mwet ma kom luti an in akacsruhi ke puhla ac fahkwack luhlahlfongi lalos an fin elos luhngse. (Nuh ke kuhtuh pac nuhnak nuh ke mwe luti an, liye (*Teaching, No Greater Call*).

## NUH SIN MWET FUHSR

### Ahkkweye Fahkwack Luhlahlfongi Lom an

**E**is quiz in sifacna-srihke kom se inge in kahsrwe kom nuhnkuh lah kom ac oruh fuhkah in ahkkweye fahkwack luhlahlfongi lom an:

- Yac nga kena in luhlahlfongi?
- Yac nga lalo ac pruhe nuh ke sie fahkwack luhlahlfongi fokoko?
- Yac nga riti ac motko ke ma suhmuhslah uh ke kais sie lwen?
- Yac nga srihke in liyacacng masap uh ke kais sie lwen?
- Yac nga srihke in ukwe mokleyuck luhn Nughn Muhtahl?
- Yac nga fahkwack luhlahlfongi luhk ke mokleyuck in oruh uh?

## NUH SIN TUHLIHK AN

### Fototayang Nuh Yurin Leum

**F**in acn Kirtland, Ohio, Mwet Pahluh Joseph Smith el eis sie fwackyuck. Leum el fahk nuh sel in fototayang nuh Yuhrohl ac El fah fototayang nuh sum; oaru in Sokuhl ac kom fah Konwacлах (liye D&C 88:63). Sie inkacnek ma kuht kuh in fototayang nuh yurin Leum pa in ukwe mwet pahluh Lal.

Srolwacлах petsac ke ma ma Prestuhn Thomas S. Monson el siyuck sesr in oruh uh:

Pruhe.

In kuhlwcacng.

Orekma upac in lotwelah.

Kahsrhu mwet sahyac.

Akacsruhi fahkwack luhlahlfongi lom.

Rit ma suhmuhslah uh.

© 2010 sin Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke English: 6/09. Ahkkweyeyucklac ke lweng: 6/09. Lwenglah luhn *First Presidency Message, January 2010*. Kosraean. 09361 868

# In Kuh In-Sifacna



*Luti ma suhmuhslah ac fahk inge kuh, fin enenweyuck, sie pac ip yohk srihpac ma ac fah ahkinsewowoye tahmtahel ma kom muhtwacta yohroh an. Fahkwack luhlalhfongi ke mwe luti an. Suli mwet kom muhtwacta yuhroh an in akacsruhi ke ma elos puhlakihn ac lotwelah an.*

## Meac Kuh In-Sifacna?

“Kalmeyacn kuh-in-sifacna pa in orekmakihn nohfohn mwe insewowo lasr sin Pahpah Lucng in karihngihn kuht sifacna ac sucu lasr uh ac in sokwack inkacnek nuh ke elyah lasr sifacna uh. Kais sie sesr oasr kunohkohn se la in srihke in kahingkihn elyah uh met liki ac sikyak uh ac in lotwelah in kuhtanglah ma upac ke ac sikyak uh. . . .

“Kuht ac oruh fuhkah in kuh-in-sifacna? Kuht kuh-in-sifacna ke eisyacn etwacack fal, lutlut, ac kuh in rit ac sihm; ke lahmwetmwet in liyacacng mani ac kasrpen acn uh, in kuh in fokoko ke nguhn, ahkollah nuh ke pacl elyah ac ma kuh in sikyak uh; ac ke oasr luhn kuh in mahno ac fokokoiyen toeni ac puhla uh.”<sup>1</sup>

*Julie B. Beck, prestuhn luhlalhp luhn Rilif Sosaiti.*

## Kunohkohn Se ke Wosasuc

“Ke kuht kapkapwack in moul ac ahkyohkye mwe sang ac talan lasr uh, kuht ac kuh-in-sifacna. Kuh-in-sifacna uh eis kunohkohn nuh ke kahsrh nuh ke ma luhn nguhn ac

mahno lasr sifacna uh ac nuh selos suc Pahpah Lucng el luhlalhfongi nuh ke karihngihnyuck lasr uh. Ke kuht kuh-in-sifacna muhkwen a uh pa ke kuht arulacna oruh in oacna Mwet Lahngo ke kuhlwcansapuh ac ahkinsewowo mwet sahyac uh.

“Arulacna yohk srihpac in kahlwem kac lah kuh-in-sifacna uh pa sie inkacnek in oraclah uh. Finsrak yohk se emet lasr uh pa in oacna Mwet Lahngo, ac lah finsrak sacn ahkyohkyeyuck ke kuhlwcansap wowo lasr nuh sin mwet sahyac an. Kuh lasr in kuhlwcansap uh yohkwaclichk kuh srihkeni ke luhan kuh-in-sifacna lasr uh.”<sup>2</sup>

*Elder Robert D. Hales ke U luhn Mwet Sap Singsucul Luo.*

“Kuh-in-sifacna uh pa sie fukun orekma lasr ac tahpuhk orekma in kahsrh nuh kwewa sahyac uh. Ma se inge sie ip ma yohk srihpac nuh ke nguhasr oacpacna nuh ke moul in mahno lasr uh. Nuh ke ip yohk srihpac se inge, Prestuhn Marion G. Romney [1897–1988] el fahk: ‘Lwelah kuht in orekma nuh ke ma kuht enenuh uh. Lwelah kuht in kuh-in-sifacna ac kuh in muhkwen a. Molwelah uh tiac kuh in eisyuck ke kuhtwena mwe luti sahyac. Molwelah uh pa sie ohiyac luhn kais sie, ac kuht enenuh in sifacna orwacalah molwelah lasr nuh ke moul in mahno uh oacpacna nuh ke ma luhn nguhn uh.’ . . .

“Prestuhn Spencer W. Kimball [1985–] el tahfwelah in luti ke kuh-in-sifacna: ‘Kunohkohn luhn kais sie mwet ke toeni, puhla, nguhnnguhn,

## KAHSRUH NUH KE FORFOR LUTI

In oacna mwet forfor luti se, kom kuh in suk mokleyuck lom sifacna in etuh ohiyac wo emet in sang enenuh luhn mwet ma pakpucki nuh sum in karihngihn an. Na kom lohacng nuh ke kuhiyom in ahkkweye kais sie luhlalhfongi luhn tahmtahel ac sucu an.

## SIFACNA AHKOLAH

Genesis 3:19

Mattu 6:33

D&C 82:18–19; 109:8

Nuh ke kuntu pac koanon mwe sramsram, liye [www.providentliving.org](http://www.providentliving.org); *Ma Nuh Kwewa Orekwani Wo Nuh Loac: Mani luhn Sucu (item ahk. 04007)*; ac *Ma Nuh Kwewa Orekwani Wo Nuh Loac: Acn in Fihl Mongo (item ahk. 04008)*.

mahno, kuh kasrpacn acn uh som emet nuh sel sifacna, ahk luo nuh sin sucu lal an, ac ahk tolu Alu uh fin el mempucr fokoko se kac.”<sup>3</sup>

*Prestuhn Thomas S. Monson.*

## MWE KAHSRUH

1. “Kunohkohn in Kahsrh luhn Prestuhn ke Rilif Sosaiti,” *Basic Principles of Welfare and Self-Reliance* (2009), 4–5.
2. “A Gospel Vision of Welfare: Faith in Action,” *Basic Principles of Welfare and Self-Reliance* (2009), 1–2.
3. “Guiding Principles of Personal and Family Welfare,” *Liahona*, Feb. 1987, 3.

© 2010 sin Intellectual Reserve, Inc. Kuh ac suwohs nuh kwewa fihliuyucki. Sihmlac fin acn USA. Ahkkweyeyucklac ke English: 6/09. Ahkkweyeyucklac ke lewng: 6/09. Lwenglah luhn *Visiting Teaching Message, January 2010*. Kosraean. 09361 868